

13. januar 2006

Inatsisartut Suleriaasianni § 36, imm. 1 naapertorlugu Naalakkersuisunut apeqqut imaattoq matumuuna saqqummiuppara:

Maniitsumi utoqqaat illuat pillugu Naalakkersuisunut apeqqut
(Inatsisartuni ilaasortaqaq Ruth Heilmann, Siumut)

Tunngavilersuut:

2006-imut Inatsisartut aningaasanut inatsisissaanut siunnersuummi (FFL06-I) atorunnaarsinneqartumi Maniitsumi utoqqaat illuanik sanaartornissap aallarteqqaarnissaanut (1. etape) 13,9 mio. kr. immikkoortinneqarnissaat siunnersuuutigineqarpoq. Aningaasanut inatsisissamat siunnersuummi pilersaarut ima saqqummiunneqarpoq:

Maniitsaq
070.44.029

Utoqqaat illuat, Maniitsaq, imm. 1

Pilersaarutinit siunnersuut ataatsimut 49,9 mio. kr.-it nalilimmik B-overslag-ilik tunngavigalugu Maniitsumi utoqqaat illussaata sananeqarnerani immikkoortumut siullermut aningaasaliisoqarnissaa qinnutigineqarpoq. Suliaq tamakkiisoq 1-miit 4-mut immikkoortortaqqarpoq, katillugit 2.830 m²-mik annertussuseqartoq. Imm. 1-imi 1.437 m²-nik annertussuseqartumi najugaqarfii pingasuussapput, tassani init ataatsimik initallit uffarfeqarlutillu perusersartarfillit 26,3 m²-inik annertussusillit 14-it, init marlunnik initallit uffarfeqarlutillu perusersartarfillit 43,2 m²-inik annerstussusillit sisamat, isersimaartarfik ataatsimoorusseq, najugaqarfinni tamaginni igaffeeraq, igaffik ataatsimoorusseq kantiinalu, kiisalu elevatori sulisullu isersimaartarfiat sananeqassallutik.

Tamanna Namminersornerullutik Oqartussanut sunniuteqassangilaq, Maniitsup Kommuniata ingerlatsineq isumagisussaammagu. Aserfallatsaaliuinermi aningaasartuutit 415.000 kr.-it missaaniinnissaat naatsorsuutigineqarpoq, sanaartornermi aningaasartuutit 1,5%-iisa naligissallugit.

Suliap aallartiffissaa: 2004

Atulerfissaa: 2006

Tamanna tunngavigalugu Naalakkersuisunut apeqqutit uku akissuteqarfigeqqussavakka:

1. FFL06-II-mi Maniitsumi utoqqaat illuata ilanngunneqarnissaa naatsorsuutigineqarpa??
 - a. Taamaangippat sukumiisumik nassuiaasoqarnissaa kissaatigissavara.
2. Aningaasalersuinissamut kommunip aningaasaleeqataasinnaanini piumasaqarfigalugulu pisinnaallugu oqaaseqaateqarsimava?
3. Pilersaarutip tamakkiisumik piviusunngortinneqarnissaanut (etape 1-4) ukiuni aggersuni aningaasaliisoqarnissaanut Naalakkersuisut siunnerssuuteqalersaarpat, una tunngavigalugu kommunip nammineq akileeqataanissaa qulakkeerneqarsimappat.
 - a. Taamaangippat taama aalajangernermut suna tunuliaqutaanersoq nassiuatigeqqussavara.
 - b. Naalakkersuisut Maniitsumi pilersaarutip aallaqqaataa (etape 1) taamaallaat aningaasalerniarpassuk paaserusunnassaaq etape 1 kisiat atorlugu pilersaarut suliarineqarsimanersoq.
4. Tutsuiginartumik oqaatigalugu piffissaq qanoq sivisutigisoq sanaartugassamut tamakkiissumut atorniarneqarpa?
5. Sanaartugassap kinguartinneqariataarsinnaanera kommunimi utoqqarnut qanoq kinguneqassangatinneqarpa?
6. Paasissutissanik allanik pisamut pingaaruteqartunik Naalakkersuisut ilisimatitsissutissaqarpap?

Kingusinnerpaamik ullut 14-anit qaangiutsinnagit allakkatigut qarasaasiatigut kalaallisut qallunaatullu akineqarnissara kissaatigissavara. Akissut uunga ingerlatinneqassaaq: ruth@gh.gl, assingalu uunga nassiuunneqassalluni: landstinget@gh.gl. Ilanngullugu akissut allaganngorlugu Inatsisartut Siulittaasoqarfianut tunniunneqassaaq.

Ruth Heilmann
SIUMUT